


PP-dïenesje jïh sjïereööhpehtimmie



Jis dov maana ij nukies aevhkiem dehtie sïejhme lïerehimmeste utnieh, maahta reaktam utnedh sjïereööhpehtimmiem åadtjodh.

Sjïereööhpehtimmie maahta vuesiehtimmien gaavhtan årodh learohke jeatjah learoeulmiej mietie barka goh jeatjah learohkh, lohkehtæjja jallh viehkiehtæjja learoehkasse dårarjoem vadta klaassesne jallh learohke sjïere sjïehtedamme dïrregh åadtje.

Sjïereööhpehtimmie edtja sjïehtedamme årodh dov maanan daerpiesvoeti mietie.

Jis datne jallh skuvle tjooperde mejtie dov maana ij nukies aevhkiem utnieh lïerehimmeste, skuvle edtja pryövedh dov maanese buerebelaakan sjïehtedidh. Jis daate ij leah nukie skuvle jïh PP-dïenesje tjueriah vuarjasjidh jïh raeriestidh maam maana daarpesje, jïh skuvle tjuara aktegsnænnoestimmien darjodh.

PP-dïenesje maahta dåaresthfaageles laavenjostedh voenges daltesisnie, vuesiehtimmien gaavhtan healsoedïenesjinie jallh maanavaarjelimmiedïenesjinie, jïh staateles daltesinie vuesiehtimmien gaavhtan Statpedine jallh psykiatrijen dïenesjigujmie. PP-dïenesjen lea sjaevehtsvoetediedte.

PEDAGOGELES-PSYKOLOGELES DÏENESJE (PP-DÏENESJE)

Dïenesje mij raeriah skuvlide, tjïeltide jïh fylhkentjïeltide vadta sjïehteladtemen bijre maanide jïh noeride sjïere daerpiesvoetigujmie.

MAEHTELES VUARJASJIMMIE

Tjaatsege PP-dïenesjistie mij vuesehte mejtie learohke sjïereööhpehtimmiem daarpesje, jïh mij raereste mah faalenassh learohke byöroe åadtjodh.

AKTEGSNÆNNOESTIMMIE

Prievie skuvleste mij vuesehte mejtie maanan lea reakta sjïereööhpehtimmiem åadtjodh jallh ij, jïh magkeres sjïereööhpehtimmie. Datne maahtah iktesth aktegsnænnoestimmien laejhtedh.

INDIVIDUELLE lïerehimmiesoejkesje (ILS)

ILS edtja ulmiek jïh sisvegem vuesiehtidh sjïereööhpehtimmesne jïh lea akte barkoedirrege.

Maam maahtam skuvleste veanhtadidh?

Skuvle edtja

- hoksedh maanan bööremasse gorresåvva
- datnem meatan vaeltedh jih datnem gihtjedh åvtelen sjæjsjalimmieh vaeltieh mah leah dov maanan bijre
- soptsestimmieh maanine jih eejhtegigujmie utnedh jih daerpies goerehtallemh darjodh maaneste
- PP-dïenesjem birredh aktem maehteles vuarjasjimmieh darjodh jis datne dan bijre birrh, jih jis skuvle veanhtalearohke sjiereööhpehtimmieh daarpesje
- aktegsnænnostimmieh darjodh mij jahta mejtie maana edtja sjiereööhpehtimmieh åadtjodh jallh ij, jih magkeres sjiereööhpehtimmieh
- individuelle lïerehimmiesoejkesjem (ILS) darjodh
- learoehkasse sjiereööhpehtimmieh vedtedh guktie lea buerkiestamme aktegsnænnostimmesne jih ILS:sne
- tjaaleldh reektehtsem darjodh sjiereööhpehtimmien bijre jih maanan evtiedimmien bijre ikth jaepien
- hoksedh datne jih dov maana bïhkedimmieh åadtjode mij vuarjasjimmie karakterigujmie jallh bielelen karakterh noereskuvlesne sãjhta jiehtedh, åvtelen eajhnadovvede

Maam maahtam darjodh?

Datne guhte lea eejhtege

- maahtah krïevedh skuvle goerehte mejtie dov maana sjiereööhpehtimmieh daarpesje
- maahtah dov tjooperdimmiens bijre digkiedidh PP-dïenesjinie jih skuvline sahtemen åvtelen
- edtjh meatan vaaltasovvedh jih jáåhkesjidh åvtelen skuvle PP-dïenesjem birrie dov maanam salkehtidh jih vuarjasjidh
- edtjh meatan vaaltasovvedh jih jáåhkesjidh åvtelen skuvle muana dov maana edtja sjiereööhpehtimmieh åadtjodh
- edtjh tjaaleldh reektehtsem åadtjodh ikth jaepien dan sjiereööhpehtimmien bijre maam dov maana åådtje jih aktem vuarjasjimmieh mij soptseste guktie dov maana jijtjemse evtede
- maahtah laejhtedh jis dov maana ij sjiereööhpehtimmieh åadtjoeh
- maahtah sisvegem, tjirrehtimmieh jallh örnedimmiem sjiereööhpehtimmeste laejhtedh
- maahtah nænnostidh mejtie dov maana noereskuvlesne edtja lutniestimmieh vuarjasjimmeste karakterigujmie åadtjodh dejnie faagine mejnie sjiereööhpehtimmieh åådtje

